



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Ivdaeis Sacracenis, Eteorum seruis. Titulus VI.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

918 ANALYS. IVRIS PONTIFICI  
fectum nititur impedire, c. quoniam, §. dignū, &  
c. quanto, vers. vt quicumq;, §. cūm autem, ext. eo.

DE IVDÆIS SARRACENIS,  
Et eorum seruis.

*Titulus VI.*

Continuatio.

**A**D simoniæ crimen alijs vitijs propius acce-  
dit blasphemia indecensq; cultus, quo Iu-  
dæi, Sarraceni, hæretici, & cæteri impijs se-  
ctis addicti diuinæ traditioni aduersantur.

*Qui dicuntur Iudæi?*

Iudæi dicuntur, qui legibus Mosaicis, absq; fide  
in Christum Saluatorem nostrum, adhærēt, eas-  
que ad literam superstitiosè obseruāt, c. cūm Mar-  
thæ, §. cæterum, extr. de celebrat. Missa. & c. tran-  
lato, extr. de constit.

*Vnde dicti Iudæi?*

Dicti à tribu Iuda, quòd illa tribus erat cæteris  
præstantior. Vnde in bellis primam aciem & re-  
gni priuilegiū obtinuit: scilicet vt de ea sola Rex  
crearetur: sicut ex tribu Leui, sacerdotes accipie-  
bantur, Hostiens. in §. & vnde dicantur, ex eo. tit.

*In quibus Iudæi cum Christianis eodem iure*

*& priuilegijs vtantur?*

Licet propria culpa Iudæos seruituti subiecerit  
ipfos tñ tolerat Christiana pietas: ita vt in mul-  
tis ad parem legum obseruantiam cum Christia-  
nis obstringantur, singularibusq; priuilegijs iure  
indultis gaudeant. Vnde in contractibus leges  
Christianorum sequuntur, coram iudicibus secu-  
laribus

laribus ligant, matrimonia inter se contrahunt, nec diebus sabbathinis inuiti ad iudicium trahuntur, præcipiturq; Christianis, ne aut Iudæos offendant, vel contra eorum synagogam irruant, vel violentas manus rebus eorum iniiciant, l. si qua, l. nullus, l. die sabbatho, l. in synagogam, C. de Iudæis & Cælico.

*Quæ in odium Iudæismi contra Iudæos iure sunt introducta?*

Primò. Iudæi ab omnibus honoribus & dignitatibus repelluntur: nouas synagogas non extruunt sub pæna statuta, in l. si. C. de Iudæis, & Cel. & c. Iudæi, extr. eod. 2. Vniuersitati Iudæorum non legatur, l. 1. C. eo. 3. Ab actis legitimis repelluntur, c. alieni, 2. q. 7. 4. Christiana mancipia illis habere non licet, c. 1. extr. eo. 5. Ab assidua communione Christianorum abstinere tenentur, c. sæpè, 28. q. 1. 6. In diebus lamentationum & Dominicæ passionis in publicum prodire vetantur, c. in nonnullis, extr. eod. 7. Vtriusq; sexus Iudæi vti habitu, per quem à Christianis discernantur iubentur, d. c. in nonnullis, extr. eo. 8. Iudæi medici Christianos inuisere in infirmitatib; vel medicamenta præbere, vel cum eis in iisdem balneis esse, prohibentur, c. nullus, & c. omnes, 28. q. 1.

*Quæ pæna imponitur prædicta nõ seruantibus?*

Et certè Iudæo non contento suis finibus non est priuilegium seruandum, c. priuilegium, 11. q. 3. Vnde Iudæi irruentes in cõuersum ad Christi cultum, sunt concremandi, iuxta sanctionē Cõstantini Imperatoris, l. 2. C. eo. Sed si Iudæi sint pacifici & q; eis res suas violèter abstulerit tenetur duplū restituere. Qd' si iudex dissimulauerit, eadē

pœnam incurrit, l. Christianis, C. de paga. & hoc secundum leges, sed secundum canones, vel officij priuatione, vel excōmunicationis censura plectitur, c. sicut Iudæi, ext. eod. Sed etsi Iudæi cōtra canonicas sanctiones delinquāt, puniuntur quādoq; in personis, vt, c. sæpè, dist. 28. Quādoq; pecuniariter, c. cū sit, ext. eo. Et quandoq; per pœnā spiritualē indirectē. Quia excōmunicantur fideles eis participantes, c. etsi Iudæos, ext. eod. c. quāto, ext. de vsur. & c. de terris, ext. de decimis.

*Qui dicuntur Sarraceni?*

Secundum Hostiensem, Sarraceni dicuntur, qui Deos innumeros, deasq; imò dæmones, colunt & adorant: nec nouum Testamentum, nec vetus, recipiunt. Quibus interdicitur in l. 2. C. de paga. ne sub nobis degentes faciant sacrificia, vel, inspecto iecore animalis vel extis, i. interioribus, promittant vel diuinent aliquid futurum.

*Vnde dicuntur Sarraceni?*

Sarraceni, vt putat Speculator, lib. 4. par. 4. hoc tit. non dicuntur à Sara, sed à Samaria ciuitate.

*An communicatio Sarracenorum sit permissa?*

Illis, qui cum Paganis ad fidem Christianā conuertendi gratia, viuunt, communicatio sanctionibus canonicis permittitur: ita vt his cibis, qui ab infidelibus apponuntur cum modestia & gratiarum actiōe, seruata temporum qualitate, vti liceat, c. quā sit, extr. eod. Alijs autem à communione Sarracenorum, sicut & Iudæorum, sub pœna censuræ ecclesiasticæ, abstinendum est, c. sæpè, 28. q. 1. & c. sequenti.

*An Iudæus vel Sarracenus mancipium Christianum  
habere possit?*

Concilio Maciens. sancitum est, vt nullū Christianum mācipium Iudæo seruiat, sed, datis 11. solidis, pro quolibet bono mancipio, ipsum, quicūque Christianorum seu ad ingenuitatem, vel ad seruitium licentiā habeat redimēdi. Quia nephas est, quē Christus redemit, blasphemū Christi in seruitutis vinculis detinere, c. 1. ext. eo. & c. 2. eo. Vnde in legibus statutum est, ne Christianum mācipiū hæreticus, Iudæus, vel paganus, habeat, possideat, vel circumcidat: intantum, vt si id circumciderit, non solū mancipij damno, verū etiam capitali sentētia, ipso seruo, pro premio libertate donādo mulctetur, l. vnica, C. ne quis Christ. mā. hæret. vel Iudæus, &c.

## DE HÆRETICIS.

### Titulus VII.

#### Continuatio.

Non minū hæretici, quā Iudæi & Sarraceni suis confictis erroribus diuinā lædunt maiestātē: qui si spiritali disciplina corrigi nō possunt, varijs pœnis subijciuntur, c. vergentis, extr. eod.

#### *Quis dicitur Hæreticus?*

Hæreticus est, qui alicuius temporalis commodi, & maxime vanæ gloriæ, principatusq; sui gratia, falsas & nouas opiniones vel gignit vel sequitur, c. hæreticus, 24. q. 3.

#### *Vnde Hæresis dicta?*

Hæresis Græcè ab electione dicitur: q; scilicet eā sibi vnusquisq; eligat disciplinam, quā putat esse meliorem. Quicunq; igitur aliter scripturā intelligit, quā sensus Spiritus sancti flagitat, quo